

Kalaallit Nunaata erfalasua pillugu Inatsisartut inatsisaat

§ 1. Kalaallit Nunaata erfalasuata ilusaa Kalaallit Nunaanni Inatsisartut inassuteqarnerat tunngavigalugu Kunngip peqqussutaatigut aalajangerneqassaaq.

Imm. 2. Ilisarnaatit aalajangersimasut erfalasumi atoqqusaanngillat.

Imm. 3. Erfalasut erfalasup qalipaataanik uuttuutaanillu eqqortunik qalipaateqaratillu uuttuuteqanngitsut tuniniaqqusaanngillat, nioqqutigeqqusaanatik aammalu atukkinneqarsinnaanatik.

§ 2. Naalakkersuisut pisinnaatinneqarput ullut erfalasumik amusiviusartussat aalajangersarnissaannut.

§ 3. Erfalasooq kimilluunniit oqaatsitigut iliuutsitigulluunniit asissorneqassanngilaq.

Imm. 2. Erfalasooq inunnit ataasiakkaanit, peqatigiiffinnit, ingerlatseqatigiiffinnit imaluunniit suliffeqarfinnit ilisarnaatitut atorneqassanngilaq imaluunniit arlaatigut isissutissatut taamaaqataatulluunniit ilisarnaatigineqassanani.

Imm. 3. Erfalasooq kalaallit nioqqutissiarinngisaasa tuniniarnerini nioqqutiginerinilu nioqqutissat ilisarnaataattut imaluunniit allatut ussasaarutiginerinut atorneqassanngilaq.

§ 4. Umiarsuit Kalaallit Nunaanni angerlarsimaffilitut nalunaarsorneqarsimasut kalaallit erfalasuannik erfalasoqassapput.

Imm. 2. Umiarsuit pineqartut kalaallit erfalasuut kisiat atortassavaat, aatsaalli nunat allamiut erfalasuannik amusisinnaallutik kalaallit erfalasuut inatsisit imaluunniit nunat tamalaat akornanni ileqqusut naapertorlugit inuiaat erfalasuata inissisimaffissaani amoqqagaangat. *Imm. 1-imi 2-milu* aalajangersakkat naalagaaffimmi oqartussaasut umiarsuaannut atortuunngillat.

§ 5. Inatsisartut inatsisaanni matumani aalajangersakkat unioqqutinneqarpata taamaaliorneq Naalagaaffiup karsianut nakkartussanik akiliisitsinermik kinguneqarsinnaavoq.

§ 6. Inatsisartut inatsisaat manna 21. juni 1985 atortuulerpoq.

Imm. 2. Kisianni umiarsuit erfalasulertarnissaat pillugu § 4-mi aalajangersakkat 1. januar 1986 atortuulissapput.

Jonathan Motzfeldt

/

John E.Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut